

笑盧隨筆

兆蓉

談詩鐘（九）

四十八年詩人節，台鐵詩社以蒲·劍·第二唱徵詩鐘，計應徵者共三百餘聯，於六月十四日在臺北市鄭州路二十六巷七號發唱，除各社友互相選取外，並有李漁叔、丁似庵、林文訪、陳季碩、四位詞宗，參加捐取，是日唱出佳句頗多，茲摘錄若干聯於后，以供同好閱覽。

蒲·劍·第二唱：

- ① 萬蒲過雨如奔馬，
雙劍冲霄欲化龍。
- ② 披蒲有感孤臣淚，
掛劍難忘故友情。
- ③ 掛劍高風欽季扎，
插蒲令節憶靈均。
- ④ 書劍不成慙報國，
荏蒲未靜忍言噓。
- ⑤ 香蒲味自珍昌歇，
古劍名猶著泰阿。
- ⑥ 琴劍天涯雙鬢雪，
菰蒲江上一身霜。
- ⑦ 插蒲難禁思鄉淚，
撫劍徒餘復國心。
- ⑧ 學劍丁年酬壯志，
詠蒲午日動騷懷。
- ⑨ 剪蒲入酒消邪氣，
倚劍彈琴帶殺聲。
- ⑩ 奔蒲淪乞心存晉，
舞劍娛賓想在劉。
- ⑪ 荏蒲作梗成何世，
乘劍飄蓬感此身。

- ⑫ 雙劍騰光齊射斗，
萬蒲過雨一鳴秋。
- ⑬ 懸蒲義未忘三戶，
伏劍忠難悟九閭。
- ⑭ 弱蒲早有先衰意，
神劍寧無待化心。
- ⑮ 寶劍丁年懸玉帶，
香蒲午日泛金樽。
- ⑯ 獻劍潛謀誅董卓，
鞭蒲示辱紀劉寬。
- ⑰ 乘劍月明孤館寂，
蘆蒲風靜釣舟閒。
- ⑱ 織蒲豈料能延漢，
掛劍無言在報徐。
- ⑲ 懸蒲鎮惡猶循俗，
伏劍酬知己負恩。
- ⑳ 短劍斑斕饒古意，
長蒲披拂發幽香。
- ㉑ 團蒲示汝參禪意，
長劍酬吾作俠心。
- ㉒ 荏蒲或竟移神鼎，
書劍猶堪壓宦囊。
- ㉓ 菰蒲自賞幽人意，
刀劍相隨大將風。
- ㉔ 撫劍長吁羈海嶠，
懸蒲無語望家山。
- ㉕ 磨劍十年猶待試，
懸蒲五日只偷閒。
- ㉖ 琴劍江湖淪落久，
柳蒲身世感傷多。
- ㉗ 葭蒲照眼荒江望，
書劍隨身遠道行。
- ㉘ 編蒲長路鞭驕馬，
拔劍深潭斬毒龍。
- ㉙ 懸蒲彌念家何在，
佩劍深嗟世未平。
- ㉚ 如劍詞鋒霄易屈，
同蒲姿質總先衰。
- ㉛ 求劍刻舟徒自惑，
編蒲作扇亦同捐。
- ㉜ 學劍難期成大業，
織蒲誰識屈長才。
- ㉝ 懸蒲客裏聊隨俗，
按劍人前敢逞強。
- ㉞ 艾蒲午節供新咏，
冠劍丁年憶壯遊。
- ㉟ 有劍通靈鳴出匣，
編蒲示辱用爲鞭。
- ㊱ 江蒲影動頻驚鷺，
池劍光騰欲斬蛟。